

Nova single dallas Liricas cun bass pulsond e vers pensivs

Damaun, ils 7 da december, presentan ils MCs Sursilvans, *Jusht*, *Orange* e *Flepp*, lur proxima single dalla DC da cumiau cul num «Larmas dultschas». Tenor ils rappers duei la canzun envidar da s'occupar cugl embrugl dallas atgnas emozjuns. Pia perfetg per il temps suenter Nadal, cu ils gis creschan puspei ed igl unviern tegn ferm enta maun nossa patria. Ins po forsa era dir ch'ils rappers vegnan dultschs e forsa era in tec emozjunals per la fin da lur carriera. La FMR ha giu la quida da tedlar la canzun gia avon la presentaziun ufficiala. La canzun perschuada cun bass pulsonds, remas che fan ponderar e sco da sez sesaulzan ils mauns ed undegian ensemens cul tgau el ritmus dalla canzun. En mintga cass vala ei tedlar quella canzun, ina dallas davosas producziuns da noss herox da rap romontsch. (fmr/lpd)